

**SAMOA**

## Faatulagaina o Aiaiga

- |                              |                       |
|------------------------------|-----------------------|
| 1. Igoa puupuu ma le amataga | 3. Faamatuu atu ma le |
| 2. Faamatuu atu ma le        | Faatatauina o le      |
| Faatatauina o le             | \$650,000.00 mai      |
| \$223,809,730.00 mai i       | Teugatupe a le Tausi  |
| Faaputugatupe a le           | Mavaega               |
| Matagaluega o Tupe           | Faamatalaga           |
- 

**2001, Nu. 7**

**O SE TULAFONO e faagataina ai le faatatauina o nisi o vaegatupe mai Faaputugatupe a le Matagaluega o Tupe ma Teugatupe a le Tausi Mavaega ma lona faaaogaina faapitoa i galuega faatino ma galuega faatino laiti e tuuina atu e matagaluega; galuega faatino e tuuina atu e isi vaega ma galuega faatino e avea ai ma sui o le Malo mo le Tausaga Faaletupe e faaiuina i le aso 30 Iuni 2002.**

*[29 Iuni 2001]*

**UA FAIA** e le Fono Aoao Faitulafono o Samoa i totonu o le Palemene ua potopoto e faapea:-

**1. Igoa puupuu ma le amataga-(1)** E mafai ona taua lenei Tulafono o le Tulafono o le Faatatauina o Tupe 2001/2002.

(2) O le a tatau ona faamamaluina lenei Tulafono i le aso e tuuina i ai le maliega a le Ao o le Malo.

**2. Faamatuu atu ma le Faatatauina o le \$223,809,730.00 mai Faaputugatupe a le Matagaluega o Tupe-**(1) E mafai ona tuuina atu mai Faaputugatupe a le Matagaluega o Tupe ma faaaogaina i galuega faatino po o galuega faatino laiti e tuuina atu e matagaluega taitasi; po o galuega faatino e tuuina atu e isi vaega po o mo galuega e faatinoina e avea ai ma sui o le Malo mo le Tausaga Faaletupe 2001/2002 ni vaegatupe e le sili atu i le aofaiga e \$223,809,730.00.

(2) O vaegatupe ua faatagaina ia faaaoga e tusa ai ma le faafuaiupu (1) o lenei fuaiupu ua faaeseese ona faatatauina mo galuega faatino ma galuega faatino laiti e tuuina atu e matagaluega; galuega faatino e tuuina atu e isi vaega po o galuega faatino e avea ai ma sui o le Malo, e pei ona faamaotiina i le Faamatalaga i lenei Tulafono.

**3. Faamatuu atu ma le Faatatauina o le \$650,000.00 mai i Teugatupe a le Tausi Mavaega-**(1) E mafai ona tuuina atu mai i le Teugatupe a le Tausi Mavaega (teuina i le Faletupe o le ANZ Samoa Ltd) ma faaaogaina i galuega faatino ma galuega faatino laiti, totogi o tagata faigaluega ma isi tupe totogi i fafo atu ma tupe alu faaletulafono e tulai mai po o e totogiina ai le faafoeina o le Ofisa o le Tausi Mavaega mo le Tausaga Faaletupe 2001/2002 ni vaegatupe e le sili atu i le aofaiga e \$650,000.00.

(2) O vaegatupe ua faatagaina e faaaoga e tusa ai ma le faafuaiupu (1) o lenei fuaiupu ua faatatauina nei e faaaoga e le Ofisa o le Tausi Mavaega.